

Na osnovu člana 24., a u vezi sa članom 74a. Zakona o državnoj službi u Federaciji BiH ("Službene novine Federacije BiH", broj 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Kantona Središnja Bosna/Srednjobosanskog kantona”, broj 7/11), Agencija za državnu službu Federacije Bosne i Hercegovine, na zahtjev Ureda za javne nabave za potrebe korisnika proračuna Kantona Središnja Bosna, objavljuje

## JAVNI KONKURS

**za popunu radnih mjesta državnih službenika u  
Uredu za javne nabave za potrebe korisnika Proračuna Kantona Središnja Bosna**

**5 / 721**

- 01. Stručni savjetnik za planiranje i analizu javnih nabava - 1 (jedan) izvršitelj**
- 02. Stručni savjetnik za praćenje i nadzor izvršenja ugovora - 1 (jedan) izvršitelj**

**01. Opis poslova:** priprema i izrada plana nabave na temelju odgovarajućih podataka koje dostavljaju organi državne službe i druga tijela, izrada analiza i izvješća vezanih uz javne nabave, izvršenja plana javnih nabava i učinke javnih nabava, poslovi praćenja, kontrole i poduzimanja aktivnosti za pravodobnu realizaciju plana nabave, kontrola zahtjeva za početak postupka javne nabave radi usklađenosti s planom nabave, pripremanje i poduzimanje odgovarajućih mjera, radnji i postupaka radi implementacije, razvoja i upravljanja sustavom e-nabave i drugih naprednih tehnologija za provedbu i nadzor sustava javne nabave, sudjeluje u radu povjerenstva koje provodi postupak javne nabave, praćenje i proučavanje stanja i pojava u području javnih nabava, a posebno praćenje i nadzor pravilnog izvršavanja ugovora i okvirnih sporazuma, na temelju prikupljenih podataka i/ili podataka koje dostavljaju ugovorna tijela, obrada tih podataka s prijedlogom mjera za rješavanje utvrđenih problema, izrada odgovarajućih materijala kojima se vrši informiranje o stanju i problemima u području javnih nabava i predlaganje mjera radi utvrđivanja politike i mjera za uređivanje određenih pitanja kojima se osigurava potpuno provođenje utvrđene politike javnih nabava i izvršavanje zakona, drugih propisa i općih akata iz područja javnih nabava, uspostavljanje, izrada i vođenje evidencija ugovora o javnoj nabavi, okvirnih sporazuma i drugih evidencija, drugi poslovi po nalogu rukovoditelja Ureda iz djelokruga radnog mjesta.

**02. Opis poslova:** praćenje i nadzor pravilnog izvršavanja ugovora i okvirnih sporazuma u sjedištu Ureda, a prema potrebi i na terenu kod korisnika Proračuna Kantona Središnja Bosna, te s tim u svezi utvrđivanje stanja u tom području i posljedica koje mogu nastati, poduzimanje odgovarajućih mjera radi sprečavanja nastanka štetnih posljedica, odnosno mjera za otklanjanje štetnih posljedica, usljed neizvršavanja ili nepravilnog izvršavanja ugovora, provjera urednosti ispunjenja ugovora o javnoj nabavi i okvirnih sporazuma, te izdavanje uvjerenja o istom, izrada redovitih izvješća o izvršenju ugovora i okvirnih sporazuma, sudjeluje u radu povjerenstva koje provodi postupak javne nabave, odnosno obavlja pravne poslove za povjerenstvo koje provodi postupak javne nabave, drugi poslovi po nalogu rukovoditelja Ureda iz djelokruga radnog mjesta.

**Uslovi:** Pored opštih uslova predviđenih članom 25. Zakona o državnoj službi u Federaciji Bosne i Hercegovine, kandidati trebaju ispunjavati i sljedeće posebne uslove, utvrđene u Pravilniku o unutrašnjoj organizaciji, i to:

**Za poziciju 01:**

- VSS - VII stupanj stručne spreme – ekonomski fakultet, odnosno visoko obrazovanje drugog ciklusa Bolonjskog sustava studiranja (300 ECTS bodova) ekonomske struke, sa kontinuitetom u struci u oba ciklusa,
- najmanje 3 (tri) godine radnog staža u struci nakon sticanja visoke stručne spreme, odnosno visokog obrazovanja,
- poznavanje rada na računaru,

**Za poziciju 02:**

- VSS - VII stupanj stručne spreme – pravni fakultet, odnosno visoko obrazovanje drugog ciklusa Bolonjskog sustava studiranja (300 ECTS bodova) pravne struke, sa kontinuitetom u struci u oba ciklusa,
- najmanje 3 (tri) godine radnog staža u struci nakon sticanja visoke stručne spreme, odnosno visokog obrazovanja,
- poznavanje rada na računaru,
- položen vozački ispit „B” kategorije.

**Prijavljivanje na konkurs:**

1. Kandidati se prijavljuju na konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Zeničko-dobojski i Srednjobosanski kanton, ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Zeničko-dobojski i Srednjobosanski kanton ili na web stranici Agencije [www.adsfbih.gov.ba](http://www.adsfbih.gov.ba))

**NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidati koji ne polože ispit općeg znanja ili pismeni dio stručnog ispita gube pravo na učešće u daljoj konkursnoj proceduri o čemu se, prilikom saopćavanja rezultata na ispitu općeg znanja pisano informišu, a nakon pismenog dijela stručnog ispita usmeno se informišu o postignutim rezultatima. Kandidati imaju pravo uvida u rezultate koje su postigli na ispitu.

Kandidati koji su uspješno položili stručni ispit (pismeni i intervju) a ne dostave Agenciji validne dokaze (original ili ovjerene kopije) o ispunjavanju posebnih uslova javnog konkursa, u roku od pet dana, od dana održavanja stručnog ispita odnosno usmenog obavještenja o rezultatima koje su postigli, neće biti uvršteni na Listu uspješnih kandidata. Agencija za državnu službu Federacije BiH, objavljuje rezultate stručnog ispita, na propisanom obrascu, na oglasnoj ploči Agencije.

Izabrani kandidat, koji u roku od sedam dana od dana prijema obavještenja o izboru, ne dostavi Agenciji za državnu službu Federacije BiH, validne dokaze (original ili ovjerene kopije) o ispunjavanju opštih uslova iz javnog konkursa, biće brisan sa Liste uspješnih kandidata.

Javni konkurs se provodi u skladu sa Uredbom o uslovima, načinu i programu za polaganje ispita općeg znanja i stručnog ispita za kandidate za državnu službu u Federaciji Bosne i Hercegovine – prečišćeni tekst (“Službene novine Federacije BiH”, broj 10/18).

Prijavu, sa traženim dokumentima, treba dostaviti u roku od 15 dana od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH  
Odjeljenje Agencije za Zeničko-dobojski i Srednjobosanski kanton  
Kučuković br. 2, 72000 Zenica  
sa naznakom:**

**“Javni konkurs za popunu radnih mjesta državnih službenika u  
Uredu za javne nabave za potrebe korisnika Proračuna Kantona Središnja Bosna“**

**Nepotpune, neblagovremene i neuredne prijave odnosno prijave kandidata koji uz prijavni obrazac, ne dostave traženu dokumentaciju kojom dokazuju ispunjavanje uslova iz tačke 2. ovog konkursa neće biti razmatrane.**

**V.D. DIREKTOR**

**Refik Begić, magistar uprave**